



## PIKIALASORSUAQ – AVANNAANI IMARNERSAQ

### SULINISSAMUT PILERSAARUTIT 2016

Pikialasorsuaq Commissionip pisariaqartumik suliassai naammassiniarlugit sulineranut pilersaarutit matumani nassuiaatigineqarput. Kommissærit toqqarnejareermata aamma Pikialasorsuaq Commissionimut piginnaatitsissut suliakkiissullu isumaqatigiissutigineqareermata, tullinguullugu pilersaaruserneq inoqarfinnullu tusarniaanerit ingerlanneqassapput tamatumalu kingorna Kommissionip katersai pillugit nalunaaruserortoqassaaq

Sulinissamut pilersaaruseriaq marlunngorlugu avillugu saqqummiunneqarpoq:

Suliap immikkoortuani siullermi Imarnersap Canadamut killigisaaniittut aamma Kalaallit Nunaata killigisaaniittut inoqarfiit tusarniaaffigineqarnissaat siunertarlugu piareersaatit pilersaarutillu suliarineqassapput. Canadami Kalaallit Nunaannilu inoqarfimmiut paasissutissaataat isumaallu Pikialasorsuup eqqaani najugaqarnerannut taassuminngalu atuinerannut tunngasut Pikialasorsuaq Commissionip katersussavai.

Suliap immikkoortuata aappaani inaarutaasumik nalunaaruserortoqassaaq inassuteqaasiortoqarlunilu, Pikialasorsuarmullu tunngasunik allanik suliartoqassalluni (videoliortoqarluni, tusarnaagassanik immiussisoqarluni, naqitaliorluni, allanillu), naammassisanillu taakkuninnga saqqummiussisoqassaaq siaruarterisoqarlunilu inoqarfinnut ataasiakkaanut, nunarsuup immikkoortuinut, nuna tamakkerlugu nunallu tamalaat akornannut soqutigisalinnut assigiinngitsunut inoqarfinnut, aalajangiisartunut, ilisimatusartunut, suliffissuaqarnermik ingerlatsisunut, aamma NGO-nut (Soqutigisaqatigiiffiit).

Pikialasorsuaq Commissionip qanimut suleqatigissavai: Inoqarfinni ataasiakkaani, nunarsuup immikkoortuani, nuna tamakkerlugu aamma nunat tamalaat akornanni soqutigisaqatigiiffinnik soqutigisaqartut, naalackersuinermik suliartoqartunik tamanik inoqarfinnilu ataasiakkaani oqartussaasunik soorlu nunaqarfinni aqutsisut aamma Canadami piniartut pinialuttartullu peqatigiiffii, Qikiqtani Inuit Peqatigiiffiannik, Nunavik Tunngavik Incorporated-imik, Nunavummi Naalackersuisunik, Canadami Føderalimik Naalackersuisunik, Canadami Avatangiisinut tunngasunik Qullersaqarfianik, Canadami Eqqissimatitanut Qullersaqarfimmik, Aalisarnermut Immamullu Naalackersuisoqarfimmik, INAC, Qaasuitsup Kommunanik, KNAPK-mik, Aalisarnermut, Piniarnermut Nunalerinerimullu Naalackersuisoqarfimmik, Aatsitassanut Ikummatissanullu Pisortaqarfimmik. Takorluugaq, suliap ingerlatap

siuariartornera inaarutaasumillu suliat pillugit Kommissioni attaveqaatiliussaaq paasissutissanik siaruarteriffiusussamik ukununga: Issittumi Siunnersuisoqatigiinnut, International Maritime Organization (IMO) (Nunat tamalaat akornanni imarsionermut tunngatilugu Kattuffik), nunat tamalaat akornanni suliniaqatigiit aamma ilisimatusarfiit assigiinngitsut Issittumi Ilisimatusarnermi Qitiusoqarfik (Canadami Universitetit, Aarhusimi Unversiteti universitetillu allat Danmarkimiittut Kalaallit Nunaanniittullu, Canadami, Danmarkimi Kalaallit Nunaannilu Katersugaasiviit, Pinngortitaleriffik, NGO-llu il.il.) allallu. Soqutigisaqatigiiffiit pineqartut ukiut ingerlaneranni Pikialasorsuup siunissami aqunneqarnissaa pillugu soqutiginninnertik takutereersimavaat Kommissionilu attaveqaqatigiiffimmik taassumanga naapeqatigiiffiusinnaasumilluunniit taassumanga iluaqutissarsinissani naatsorsuutigaa. Kommissionip suliaminik ingerlatsinermini allanik nunarsuup immikkoortuanut tamaanga tunngasunik suliaqareersunik suleqatissarsiuussaaq tassuunatigut suliniutaasut imminnut sunnerteqatigiissinnerisigut iluaqutissarsinissaaq annertunerusoq pissarsiariniarlugu kiisalu Pikialasorsuarmut eqqaanullu tunngasunik suliniutaasut suut ingerlanneqaleersimanersut pillugit tassuunatigut Kommissionip suliaanut inoqarfimmiut toqqartumik peqataanissaat ikorfartorniarlugu.

Pikialasorsuaq Kommissioni ersarinnerusumik oqaatigalugu imaaliorniarpog:

- ***Pikialasorsuaq Commission Missingersuusiussaaq***

Kalaallit Nunaannut tunngasumik Kommissionip sulineranut aningaasaliissutaareersut Kalaallit Nunaanni sulisorisanut, Kalaallit Nunaata Kommissæriata angalaneranut, Kalaallit Nunaanni tusarniaanerit ingerlanneqarnerannut aqqissuussinernut, inaarutaasumik nalunaarusiornermut suliamullu tunngassuteqartunut allanut paasissutissanik suliaqarnernut missingersuusiortoqassaaq. Canadamut tunngasumik Kommissionip sulineranut aningaasaliissutaareersut Canadami sulisorisanut, Canadallu Kommissæriata angalaneranut, Canadami tusarniaanerit ingerlanneqarnerannut aqqissuussinernut, inaarutaasumik nalunaarusiornermut suliamullu tunngassuteqartunut allanut paasissutissanik suliaqarnernut missingersuusiortoqassaaq. Missingersuutit marluusut pineqartut suliamut tamakkiisumut Kommissionillu aningaasartuutigisassaanut tamanut immikkoortinneqareersunut kattutsinneqassapput. Suleqataasinnaasunik allanik pissarsiortoqassaaq missingersuutitut inorsartoqassagaluarpat inaarutaasumillu sulianut peqataasinnaasunik.

- ***Tusarniaanerit tamanullu ammasumik innuttaasunik ataatsimiititsisarnissanut saqqummiunneqartussanik suliaqarnerit***

Pinngitsoorani paasissutissanik tunuliaqutaasunik, saqqummiussassanik aamma nalinginnaasumik ilisimatitsissutinik, Pikialasorsuup qanigisaani inoqarfinni najugaqartunut soqutiginnittunullu allanut paasiuminartunngorlugit pissarsiarineqarsinnaanngorlugillu suliarineqartunik suliaqartoqassaaq.

- ***Inoqarfinnut tusarniaanerit – Canadami April 2016-mi aamma Kalaallit Nunaanni Juni 2016-mi***

Inoqarfiit illoqarfiillu tusarniaaffigineqartussat sorliussanersut Kommissionip aalajangersassavai. Inoqarfinneersunit Kommissionimit tikinneqanngitsoortunit peqataasoqarnissaa siunertarlugu Kommissærit qulakkeerinneqataaniarput (soorlu ukunaniit Siorapaluk, Qaanaaq, Savissivik, Kullorsuaq, Nuussuaq, Upernavik, Ajuittuq – Grise Fjord, Mittimatalik - Pond Inlet, Ikpiarjuk - Arctic Bay, Qausuittuq - Resolute, Kangiqsujuaq - Clyde River).

- ***Kommissionit sulitigaluni ataatsimiittarnissai (2016-miit aallartittumik)***

Suliap siuariartornera pillugu nalilersuisarnissaq oqallittarnissarlu siunertaralugu Kommissioni qaammatit tamaasa oqarasuaatikkut ataatsimiittassaaq.

- ***Suliamik inassuteqaatinillu tiguisussat kinaassusernissaat***

Kommissionip aqutsinermut aamma nakkutilliinermut inassuteqaatigumaagassaanut tunngatillugu kikkut oqartussaasut qanillatorneqassanersut Kommissionip eqqarsaatigissavai (Nuna tamakkerlugu naalackersuisut, Føderalimik naalackersuisut, Kattuffiit, allat aqutsinermik suliaqartut, nunat tamalaat akornanni aalajangersakkat isumaqatigiissutillu).

- ***Tamanut ammasumik attaveqartarnej***

Kommissionip suliaanut tunngatillugu, paasissutissiisarneq taakkuninngalu tamanut siaruarterisarneq angusanillu avitseqatigiittarnerit tusagassiorfitsigut nalunaaruteqartarnikkut nuna tamakkerlugu nunallu immikkoortuini nutaarsiassaqaartitsivinnut ingerlanneqaartassapput, ICC-Kalaallit Nunaata nittartagaatigut aamma soqutigisaqaqatigiiffinnut allanut akuusunut, suliallu killiffissiorneri pillugit nutaarsiassat inuinnaat nalinginnaasumik attaveqaqatigiittarneranni atorneqartutigit siaruarterneqartassapput. Nalunaarusiaq inassuteqaatillu attaveqaataasinnaasutut eqqaaneqartutigoortumik aamma tamanut saqqummiunneqarumaarput.

Pikialasorsuaq Commissionimut aningaasaliissutissat qulakkeerneqareeripata, Kommissioni nutaamik nittartagaliussaaq suliap inassuteqaatillu pillugit pitsaanerusumik tamanut ammasumik saqqummiussaqaarsinnaanissaq siunertaralugu moderniusumik, atuisunut atoruminartumik ullutsinnullu naleqquttumik, inuinnaat imminnut attaveqaqatigiittarfiisigoortumik paasissutissanik avitseqatigiiffiisinnaasutigoortumik oqaaseqarfigiuminartumik ilusilersukkamik amerliartuinnartumik atugaareerutigoortumik soorlu smartphonesitigoortumik allatillugu soorlu ipadikkoortumik aqqissuussamik.

- ***Nalunaarusiornej– 2016-p ukiaanerani***

Pikialasorsuaq Commissionip nalunaarusiaa 2016-mi oktoberip naannginnerani piareerneqassaaq. Allallu naammassineqartut aamma siaruarterneqarumaarput.